

Escrito por Alvaro Peralta
Xoves, 08 Setembro 2011 18:52



Nove peregrinos da [Asociación Avelaíña](#) pisarán mañá a Catedral de Santiago de Compostela logo dunha peregrinación de catro días que seis deles comezaron no concello de Gondomar. Acompañados dunha monitora, o grupo comparte a experiencia percorrendo o Camiño de Santiago xunto con outros 51 peregrinos achegados dende distinto puntos do país polo Camiño Francés. A iniciativa, organizada pola Federación de Asociacións de Familiares e Enfermos Mentais de Galicia ([FEAFES](#)), desenvólvese co obxectivo de rematar coa estigma que sofren as persoas co algún tipo de [psicopatoloxía](#), explicaron membros de Avelaíña.

A aventura comezou o pasado martes 6 de setembro cun grupo de tres peregrinos acompañados dunha monitora de Avelaíña, que partiron dende A Guarda cara Gondomar polo Camiño Portugués da Costa. Alí, outros seis peregrinos miñoranos xuntáronse e dirixíronse ao concello de Melide, vello cruce dos camiños portugués e francés, onde se uniron ao resto dos peregrinos. A segunda etapa levounos por Arzúa e O Pino, para pasar a noite do mércores 7 en Arca.

Peregrinos miñoranos da Asociación Avelaiña rematan mañá unha aventura de catro días cara Santiago.

Escrito por Alvaro Peralta

Xoves, 08 Setembro 2011 18:52

Case dezaseis quilómetros fixeron nesta xornada para alcanzar o Monte do Gozo en Santiago xunto coa comitiva de 60 persoas na que se atopan tamén monitores e familiares. Mañá día 9, os espera un percorrido de 4, 5 quilómetros para rematar a experiencia na Catedral de Santiago. Os camiñantes participarán da misa do peregrino para logo compartir unha comida no casco antigo da capital galega.